



Broj: 01/1-50-1-1-72/06

Sarajevo: 13.9.2006.

Z A P I S N I K

sa 72. sjednice Ustavno - pravne komisije

Sjednica je održana 13.9.2006. godine s početkom u 10,00.

Sjednici su nazočili članovi Komisije:

- | | |
|-----------------------|---------------------|
| 1. Mirsad Ćeman, | 6. Nijaz Duraković, |
| 2. Filip Andrić, | 7. Beriz Belkić i |
| 3. Momčilo Novaković, | 8. Mirsad Sipović |
| 4. Petar Kunić, | |
| 5. Tihomir Gligorić, | |

Član Komisije Martin Raguž nije bio nazočan sjednici iz opravdanih razloga.

Pored članova komisije sjednici su nazočili: u ime Vijeća Ministara Safet Halilović, Niko Grubišić, Srđan Arnaut, Mirko Šekara, Kojo Koprivica, Damir Dizdarević i Akif Smajkić; u ime Ohr-a Maja Ribar; u ime OESS-a Dario Šikuljak i Gordana Ivanović, u ime VSTV Admir Suljagić i Tereza Nelson.

Sjednici je bio nazočan tajnik Komisije Milan Zjajić.

Sjednica je završena u 14,30 sati.

Nakon dulje rasprave odlučeno je da se skinu sa dnevnog reda svi prijedlozi zakona za koje je izvjesno da se neće moći okončati zakonodavna procedura u ovom sazivu Doma. Tako sve točke dnevnog reda u kojima je trebalo raspravljati o utavnom osnovu i saglasnosti sa Ustavom BiH su skinute sa dnevnog reda, te je predložen sljedeći

D N E V N I R E D :

1. Verificiranje Zapisnika sa 71. sjednice održane 24.8.2006. godine;
2. Prijedlog zakona o izmjenama i dopunama Zakona o Vijeću ministara BiH, predlagatelj Vijeće ministara BiH;
3. Prijedlog zakona o prekršajima, predlagatelj Vijeće ministara BiH;
4. Prijedlog zakona o radijacionoj i nuklearnoj sigurnosti u BiH, predlagatelj Vijeće ministara BiH;
5. Prijedlog zakona o visokom obrazovanju u BiH, predlagatelj Vijeće ministara BiH;
6. Prijedlog zakona o izmjenama i dopunama Zakona o koncesijama BiH, predlagatelj Momčilo Novaković;
7. Prijedlog Prečišćenog teksta Izbornog zakona Bosne i Hercegovine, predlagatelj Centralna izborna komisija BiH;
8. Prijedlog Rezolucije o četvorogodišnjoj reformi u BiH zasnovanoj na građanskoj platformi GROZD-a, predlagatelj Muhamed Moranjković;
9. Ostala pitanja.

Ovakav dnevni red je jednoglasno prihvaćen.

Ad. 1. Verificiranje Zapisnika sa 71. sjednice održane 24.8.2006. godine;

Na predloženi Zapisnik Mirsad Sipović je iznio primjedbu da ne sadrži podatke o tome da je izdvojio mišljenje prilikom glasovanja o Prijedlogu zakona o izmjenama i dopunama Zakona o Vijeću ministara BiH. Dodao je da se sa sjednica Doma uvijek konstatuje izdvojeno mišljenje, a to nije bio slučaj na sjednici Komisije.

Tajnik Milan Zjajić je u svezi sa iznešenom primjedbom istakao kako je zastupnik Sipović u pravu i da je do omaške došlo iz prostog razloga što se sjednice Komisije ne snimaju.

Uz navedenu primjedbu Zapisnik je jednoglasno verificiran.

Ad. 2. Prijedlog zakona o izmjenama i dopunama Zakona o Vijeću ministara BiH, predlagatelj Vijeće ministara BiH;

Nakon opće i rasprave o pojedinostima, Ustavno-pravna komisija je kao mjerodavna komisija:

1. Većinom glasova podržala principe predloženog zakona,
2. Konstatirala da su Momčilo Novaković i Mirsad Sipović uložili amandmane. Nakon provedene rasprave i glasovanja Komisija je prihvatila sljedeće amandmane koji glase:

Amandman I

U članku 2. odnosi se na članak 27. a) točke 4. i 5. i na članak 27. b) riječi: za potrebe Vijeća ministara Bosne i Hercegovine." se brišu.

Amandman II

U članku 2. odnosi se na članak 27. a) točka 6. riječi "predsjedatelj Vijeća ministara BiH" mijenjaju se riječima "vlade entiteta i Brčko Distrikta BiH"

Amandman III

U članku 2. koji se odnosi na stavak 3. članka 27. b) se dopunjuje riječima: "a potvrđuje ga Parlamentarna skupština Bosne i Hercegovine u roku od 30 dana."

3. Jednoglasno prihvatila tekst Prijedloga zakona o izmjenama i dopunama Zakona o Vijeću ministara Bosne i Hercegovine kako ga predložilo Vijeće ministara BiH sa usvojenim amandmanima i
4. Konstatirala da je predloženi zakon neophodno donijeti.

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenuje se predsjedatelj Komisije Mirsad Ćeman.

Ad. 3. Prijedlog zakona o prekršajima, predlagatelj Vijeće ministara BiH;

Nakon opće i rasprave o pojedinostima, Ustavno-pravna komisija je kao mjerodavna komisija:

1. Većinom glasova podržala principe predloženog zakona,
2. Konstatirala da je Tihomir Gligorić uložio jedan amandman. Nakon provedene rasprave i glasovanja Komisija je jednoglasno prihvatila amandman koji glasi:

Amandman I

U članku 44. riječi: "ako nije drugačije propisano." se mijenjaju riječima: "a novčane kazne i sredstva pribavljena prodajom oduzetih predmeta za prekršaje propisane zakonima entiteta Republike Srpske i Federacije BiH, Brčko Distrikta BiH, kantona F BiH, gradova i općina prihodi su proračuna navedenih razina vlasti."

3. Jednoglasno prihvatila tekst Prijedloga zakona o prekršajima kako ga predložilo Vijeće ministara BiH sa usvojenim amandmanom i
4. Konstatirala da je predloženi zakon neophodno donijeti, a prije objave tekst usuglasiti sa Jedinim pravilima za izradu pravnih propisa u institucijama BiH u pogledu naslova člankova, oznaka stavkova i točaka i uporabi stranih izraza (tuđica).

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenuje se predsjedatelj Komisije Mirsad Ćeman.

Ad. 4. Prijedlog zakona o radijacionoj i nuklearnoj sigurnosti u BiH, predlagatelj Vijeće ministara BiH;

Nakon opće i rasprave o pojedinostima, Ustavno-pravna komisija je kao mjerodavna komisija:

1. Jednoglasno podržala principe predloženog zakona,
2. Konstatirala da je Momčilo Novaković uložio jedan amandman. Nakon provedene rasprave i glasovanja Komisija je jednoglasno prihvatila amandman koji glasi:

Amandman I

U stavku 3. članka 28. na kraju se umjesto točke stavlja zarez i dodaju riječi: "uz suglasnost Vijeća ministara BiH."

3. Jednoglasno prihvatila tekst Prijedloga zakona o radijacionoj i nuklearnoj sigurnosti u Bosni i Hercegovini kako ga predložilo Vijeće ministara BiH sa uložnim amandmanom i
4. Konstatirala da je predloženi zakon neophodno donijeti, a prije objave tekst usuglasiti sa Jedinim pravilima za izradu pravnih propisa u institucijama BiH..

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenuje se predsjedatelj Komisije Mirsad Ćeman.

Ad. 5. Prijedlog zakona o visokom obrazovanju u BiH, predlagatelj Vijeće ministara BiH;

Nakon dulje rasprave se sa četiri glasa "za" i četiri glasa "protiv", od ukupno nazočnih osam članova Komisije, glasovanjem izjasnila o principima predloženog zakona.

5. Prema rezultatu glasovanja, a imajući u vidu odredbu članka 31. Poslovnika Zastupničkog doma, Ustavno-pravna komisija nije prihvatila principe Prijedloga zakona o visokom obrazovanju u Bosni i Hercegovini,

6. Proizilazi da se nisu stekli uvjeti za nastavak zakonodavne procedure o Prijedlogu zakona o visokom obrazovanju u Bosni i Hercegovini.

Javno saslušanje i dugotrajne rasprave na sjednicama Komisije su idetificirale pitanja - principe oko kojih će biti veoma teško ostvariti kompromis. To su prije svih rješenja akreditiranja, licenciranja i financiranja visokog obrazovanja. Na Predloženi zakon je uloženo 28 amandmana, od kojih neki sadrže dva i više člankova, ali ni to nije stvorilo dovoljno prostora za nagovještaj kompromisa.

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenuje se predsjedatelj Komisije Mirsad Ćeman.

Ad. 6. Prijedlog zakona o izmjenama i dopunama Zakona o koncesijama BiH, predlagatelj Momčilo Novaković;

Kako od strane Vijeća ministara BiH po zaključku sa 70. sjednice i urgenciji sa 71. sjednice nije dostavljeno traženo očitovanje o Predloženom zakonu, na 72. sjednici Komisija je pristupila raspravi kao mjerodavna komisija.

Nakon provedene rasprave Ustavno-pravna komisija je kao mjerodavna komisija je većinom glasova:

1. Podržala principe predloženog zakona,
2. Konstatirala da nije bilo uloženi amandmana.
3. Prihvatila tekst Prijedlog zakona o izmjenama i dopunama Zakona o koncesijama Bosne i Hercegovine i Hercegovine kako je i predložen i
4. Konstatirala da je predloženi zakon neophodno donijeti.

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenuje se predsjedatelj Komisije Mirsad Ćeman.

Ad. 7. Prijedlog Pročišćenog teksta Izbornog zakona Bosne i Hercegovine, Predlagač Centralno izborno povjerenstvo BiH;

Nakon dulje rasprave i Komisija je jednoglasno prihvatila Prečišćeni tekst Izbornog zakona BiH uz tekst koji treba dodati prilikom objave, a on glasi: "Na temelju članka 105. Zakona o izmjenama i dopunama Izbornog zakona Bosne i Hercegovine ("Službeni glasnik BiH", broj 24/06), Ustavno-pravna komisija Zastupničkog doma Parlamentarne skupštine Bosne i Hercegovine, na sjednici održanoj 13. rujna 2006. godine, i Ustavno-pravna komisija Doma naroda Parlamentarne skupštine Bosne i Hercegovine, na sjednici održanoj __. rujna 2006. godine, utvrdile su pročišćeni tekst Izbornog zakona Bosne i Hercegovine, pa se daje pročišćeni tekst Izbornog zakona Bosne i Hercegovine.

Pročišćeni tekst Izbornog zakona Bosne i Hercegovine obuhvata:

- Izborni zakon Bosne i Hercegovine koji je objavljen u "Službenom glasniku BiH", broj 23/01, a koji je stupio na snagu 31.8.2001. godine;

- Izmjene i dopune Izbornog zakona Bosne i Hercegovine - Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 139/02 26. marta 2002. godine ("Službeni glasnik BiH", broj 7/02) a koja je stupila na snagu 26. ožujka 2002. godine;

- Izmjene i dopune Izbornog zakona Bosne i Hercegovine - Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 148/01 18. travnja 2002. godine ("Službeni glasnik BiH", broj 9/02) a koja je stupila na snagu 18. travnja 2002. godine;

- Zakon o izmjenama i dopunama Izbornog zakona Bosne i Hercegovine ("Službeni glasnik BiH", broj 20/02), a koji je stupio na snagu 3.kolovoza 2002. godine;

-Ispravku Zakona o izmjenama i dopunama Izbornog zakona Bosne i Hercegovine ("Službeni glasnik BiH", broj 25/02);

- Izmjene i dopune Izbornog zakona Bosne i Hercegovine - Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 181/04 28. januara 2004. godine ("Službeni glasnik BiH", broj 4/04) a koja je stupila na snagu 01.ožujka 2004. godine;

- Zakon o izmjenama i dopunama Izbornog zakona Bosne i Hercegovine godine ("Službeni glasnik BiH", broj 20/04) a koji je stupio na snagu 17. svibnja 2004. godine;

- Izmjene i dopune Izbornog zakona Bosne i Hercegovine – Odluka Visokog predstavnika za Bosnu i Hercegovinu o izmjenama i dopunama Izbornog zakona Bosne i Hercegovine, broj 349/05 4.4. 2005. godine ("Službeni glasnik BiH", broj 25/05) a koja je stupila na snagu 3.5.2005. godine;

Zakon o izmjenama i dopunama Izbornog zakona Bosne i Hercegovine ("Službeni glasnik BiH", broj 52/05), kojim je usvojen Zakon o izmjenama i dopunama Izbornog zakona Bosne i Hercegovine koji je donio Visoki predstavnik za Bosnu i Hercegovinu Odlukom br. 349/05 od 4.4.2005. godine ("Službeni glasnik BiH", broj 25/05) ;

- Ispravku Zakona o izmjenama i dopunama Izbornog zakona Bosne i Hercegovine ("Službeni glasnik BiH", broj 65/05);

- Zakon o dopunama Izbornog zakona Bosne i Hercegovine ("Službeni glasnik BiH", broj 77/05) a koji je stupio na snagu 15. studenog 2005. godine;

- Zakon o izmjenama i dopunama Izbornog zakona Bosne i Hercegovine – Odluka Visokog predstavnika za Bosnu i Hercegovinu, broj 397/06 od 27. siječnja 2006. godine ("Službeni glasnik BiH", broj 11/06) a koja je stupila na snagu 20. veljače 2006. godine; i

- Zakon o izmjenama i dopunama Izbornog zakona Bosne i Hercegovine ("Službeni glasnik BiH", broj 24/06) a koji je stupio na snagu 11. travnja 2006. godine;"

Ad. 8. Prijedlog Rezolucije o četvorogodišnjoj reformi u BiH zasnovanoj na građanskoj platformi GROZD-a, predlagatelj Muhamed Moranjkić;

Zbog ponovnog odsustva predlagatelja Rezolucije Komisija je jednoglasno odlučila da odgodi raspravu o ovoj točki dnevnog reda.

Ad. 9. Ostala pitanja

Kako nije bilo drugih prijedloga za ovu točku dnevnog reda predsjedatelj je u 14,30 sati zaključio sjednicu.

Napomena: Odlukom Kolegija tajnika Parlamentarne skupštine BiH sjednice se ne snimaju.

TAJNIK KOMISIJE
Milan Zjajić

PREDSJEDAVALAČI KOMISIJE
Mirsad Čeman